

奩

史

奩史卷七十六

東吳王初桐子陽纂述

雲間王昶述庵校刊

宮室門二

居處

白居易琵琶行自言本是京城女家在蝦蟇陵下住  
蝦蟇陵在長安 野客叢書

柳永詞秀香家住桃花徑住秀香妓名 樂章集

武林女子金麗卿詩家住錢塘山水圖 古杭雜記

王少君所居表以長楊人遂呼爲長楊君 曲中志

金母所居在崑崙之圃閭風之苑金城千里玉樓十  
二瓊華之闕光碧之堂九層元室紫翠丹房左帶瑤  
池右環翠水其山之下弱水九重非颺風羽輪不可  
到也 太清記

西城洞名太元總真之天西王母所居

洞天福地記

容州有綠珠江猶歸州有昭君灘昭君村昭君場吳  
有西施谷脂粉塘蓋取美人出處名 綠珠傳

石城有女子名莫愁善歌謠其曲云聞歡下揚州相  
送楚山頭莫愁在楚無疑今石頭城下有莫愁湖蓋  
因石頭城與石城之訛遂以爲莫愁所居耳 本事詩

曹文姬所居地後人謂爲書仙里 詩話類編

帝自稱玉宸館烟霞小仙以張阿元爲太素仙妃程一寧爲太真仙妃築紫霓城以居焉 元氏掖庭記

玉京道人僑居虎邱之山塘所居湘簾幾几嚴淨無纖塵雙目泓然日與佳墨良紙相映徹 梅村集

美人居處一入吟咏便成佳麗李商隱詩玉嬈河上月應沉黃庭堅詞新婦磯頭眉黛愁女兒浦口眼波秋蔣捷詞過窈娘堤秋娘渡秦娘橋因不獨黃四娘家花滿溪因杜詩而傳也 秀雅堂座記

楊后宮詞小小宮娥近水居雕楣繡額映清渠忽然

構伴凭低檻好似雙蓮出水初

珠市在內橋傍曲巷逶迤麗人居之

板橋雜記

尤侗賀納姬吳閭詩生小蓮花巷裏居

看雲草堂集

永巷宮中之長巷幽閉婦人之有罪者武帝時改爲

掖庭置獄焉

三輔黃圖

棘隱庵宋女真劉妙清撰

武夷山志

棘隱庵蓋取何仙姑荆棘隱此身之句

海瑯集

孟淑卿嘗過慧日庵訪尼僧書其亭曰矮矮牆圍小  
小亭竹林深處晝冥冥紅塵不到無餘事一炷香消

兩卷經

蓬軒吳記

月觀在隋苑中大業十年選殿脚女使給事月觀帝  
月下幸之

揚州鼓吹詞序

秦太上公二寺西寺太后所立東寺皇姨所建並爲  
父追福因以名之時人號爲雙女寺

洛陽伽藍記

四女寺相傳漢景帝四年貝州人傅清妻羅氏無子  
生四女守志養親終身不嫁各植一槐以明已志四  
女通釋氏書日誦法華後拔宅升天

敬業堂集

瓦官寺是阿育王爲第四女所造

梁書

高祖母呂氏生高祖于般若寺

隋書

褒親崇壽教寺在清波門外俗稱劉娘子寺紹興十

八年劉貴妃建

西湖遊覽志

紅霞帔者宋宮人品名今西湖褒親崇壽寺乃紅霞

帔劉貴妃香火院俗稱劉寺

留青日札

旌德顯慶教寺慈明太后香火嘉德永壽教寺毛娘

娘功德顯慈崇慶教寺閻貴妃香火永福寺隆國黃

夫人功德資德廟慕容貴妃香火

湖山勝槩

半山七娘子廟崇善王妹也

咸淳臨安志

秦小娘晉時人祠在平湖

曝書亭集

秦淮清溪上有張麗華小祠

分甘餘話

卓文君閨中庭內有井文君手汲則甘香用以沐浴

則滑澤鮮好他人汲之與常井等沐浴亦不少異至  
今尚存卽文君井也

採蘭雜志

廣教寺井相傳二喬梳粧之所至今水胭脂色土人

號胭脂井

皇華紀聞

玉女井齊郊道光女居井旁煉丹

高郵志

隋兵入陳宮後主入景陽殿井軍人以繩引之驚其  
太重及出乃與張貴妃孔貴嬪同束而上

南史

景陽井一名胭脂井陳後主與張麗華孔貴嬪投入

避隋兵後名辱井

地志

楊妃井在容縣唐楊貴妃嘗飲者

廣西通志



薛濤井薛濤汲井水造箋

益州談資

薛濤井在錦江東亦名玉女津

池北偶談

崔婆井在崔婆宅

衡州志

二十四橋本一橋會集二十四美人於此故名今西郭有小橋朱欄碧甃題曰烟花夜月相傳爲二十四

橋舊址

揚州鼓吹詞序

張香橋昔有女子名香與所歡會此故名一曰女子姓張名香

荻樓雜抄

劉禹錫泰娘歌泰娘家本閬門西門前綠水環金堤有時粧成好天氣走上皇橋折花戲後人遂名泰娘

橋 吳中錄

謝疊山死妻自縊疊山女周銓妻聞父母死乃自投橋下死鄉人名其橋曰孝烈橋 因樹屋書影

柳翠橋宋時妓女柳翠所建 西湖遊覽志

金四將軍戰死其妻築橋爲資冥福名金橋鄉人稱爲金四姥橋 西溪梵隱志

雪溪有陸釵橋 月何所聞

紅橋張氏閩縣良家女居于紅橋之西因以紅橋自

號聰敏能詩後歸林鴻 本事詩

泉州有娘子橋比洛陽橋雖低而長過之昔有人入

番舶壞得一鳥見巨蟒夜出有光如晝因插刀穴口  
蟒出腹爲刀破遺下明月珠纍纍其人既歸遂得巨  
富人初不知後覓富家女爲婦富家翁給之曰余女  
畏渡海須作橋又金布與橋滿卽嫁女與之其人卽  
作橋布金俗因呼爲娘子橋

閩小記

貴妃生於蜀嘗誤墜池中後人呼爲落妃池

太真外傳

安樂公主恃寵嘗請昆明池爲私沼中宗不許主不  
悅大役人夫自鑿定昆池延袤數里

何氏語林

百子池取宜男之義

玉臺清照

明月池南有七女池

梁州記

劉廷式聘女而瞽竟娶之其女克家庭卜得泉成池  
瞽女凡三飲其泉而三得男號瞽女池

唐城縣志

昔有僧夜坐忽一女子過之僧叱之曰窓外誰家女  
女卽應曰堂中何處僧僧起逐之女投入地掘之得  
泉名幽瀾泉

方輿勝覽

桃葉渡以王子敬妾桃葉而名

六朝事迹

石城者閩閩所置美人離城也

越絕書

洛州夫人城趙武靈王夫人築

郡國志

皇后城光武迎光烈皇后於此

水經注

重泉城漢武爲李夫人築

太平御覽

范夫人城漢將妻范夫人築 太平寰宇記

孫夫人城漢昭烈妻孫夫人所築 荊州府志

興寧姬武姓者築城自衛號武婆城 五代會要

金鑰城在宮之西北角宮人皆在其中 洛陽記

城上垣謂之女牆言其卑小比之於城若女子之于丈夫也 名句文身表異錄

洪州娉婷市五代鍾傳侍女所居 研北雜志

吳越忠懿王黃妃嘗于雷峯顯嚴院建塔奉藏佛螺

髻髮名黃妃塔俗稱雷峯塔 淨慈志

雷峯錢王妃築塔名王妃塔 湖山勝槩

梁武帝葬誌公于獨龍阜永定公主以湯沐之資造

浮圖五級于其上

梁京寺集

仁德皇后以白金爲浮圖極有巧思

遼史

### 塚墓

穆天子葬盛姬于樂池之南是曰淑人邱

山陵雜記

朱買臣婦塚曰羞塚

羣碎錄

王昭君死於胡胡地草白昭君塚草獨青因名青塚

月令廣義 琴操昭君有子曰世遠單于死世遠立凡爲胡者父死妻母昭君問世遠曰汝爲漢也爲胡也世遠曰欲爲胡耳昭君乃吞藥自斃

呂榮者吳郡許升之妻也守節貞烈爲黃巾賊所殺

後人名其塚爲義婦坂

列女後傳

劉王侍女名素馨死葬陽江塚上生那悉茗花因名

素馨塚

龜山志

張喬美人工詩復美顏色歌舞絕妙一時故爲諸士大夫所愛每有讌集喬必與年二十有一病垂危彭孟陽以數百金贖之附於千金市駿骨之義竟不起孟陽葬之白雲山麓梅花坳送者數百人各植梅花一本以表之號曰花塚

本事詩

天女墩在崑山縣相傳帝女葬焉

潛確類書

真娘吳國之佳麗也歌舞有名及病遺言必葬我虎

邱寺前吳中少年因從其志墓多花草蔽芾其上題

詠不絕

虎邱志參用吳郡圖經續記

甘夫人先主妾號甘梅夫人生後主曹操追先主及  
當陽之長坂先主棄妻子走趙雲得後主於夫人抱  
中夫人絕雲推牆掩之先主定益州命葬於此後主  
追諡曰昭烈皇后

四川通志參用奉節縣志

武陵王蕭妃掘蜀王妃墓得白玉棺棺中美女貌如  
生體如冰掩之而寺其上

蜀本記

蘇小墓在湖上周紫芝云湖堤步遊客言此蘇小墓  
也

咸淳臨安志



司馬樵在洛下晝寢夢一美姝牽帷而歌曰妾本錢塘江上住花落花開不管流年度燕子銜將春色去紗牕幾陣黃梅雨樵愛其詞因詢曲名云是黃金縷後五年樵爲錢塘幕官復夢美姝迎笑曰夙願諧矣遂與寢自是每夜必來樵爲同寢言之咸曰公癖後有蘇小小墓得毋妖乎不踰歲樵病舟人見其攜一麗人登舟走報家已慟哭矣

雲齋廣錄

蘇小墓並不在錢塘自武林舊事載在西湖咸淳臨安志亦載之然唐人徐凝詩云嘉興縣裏逢寒食落日家家拜掃回惟有縣前蘇小墓無人與送紙錢灰

陸廣微吳地記亦云在嘉興縣前

南宋雜事詩注

嘉興縣前有吳妓人蘇小小墓風雨之夕或聞其上

有鼓吹之音

李紳真娘墓詩序

蘇小小家在錢塘墓在嘉興宋紹興初衣白以出人  
多畏之因築以塔

小丹邱客談

萬歷中湖州西門外野人鋤出古墓中空若方室有  
棺懸焉棺高四尺長丈餘濶半之銘截其一角奇香  
噴鼻仍加大斧內忽作聲曰無傷我我修已成將出  
人世間矣若所有任爾取也衆從隙窺之見好女子  
披霞錦冠九旒儼如王后端坐金椅益異之棺開女

以纖手揮衆指甲長尺許或以斧傷其肩無血而肉  
香遂仆棺中棺外珍玩金玉充牣無數內懸銀牌牌  
稱此沈休文女聘梁昭明太子未婚殞命以王妃禮  
葬而休文無子獨此女才貌絕世甚憐之故厚葬傾  
休文之產文卽昭明所撰 耳談

唐李生下第歸日暮無依止宿一殯宮以陰護祝時  
月明如晝見百步外一殯宮走一女奴告曰今夕風  
月頗佳夫人請同肆目穴中應曰屬有貴客寄吾舍  
不忍去次日知爲雀女墓乃祭謝而去 女世說

無錫有金娥墩故南唐李昱妃墓也娥工詞翰昱愛

之昱發兵晉陵擊娥同行娥道死因葬於此居民耕  
地得磚上篆四字云唐王寶印自是風雨之夕常有  
女鬼現形且泣且歌曰日侵削兮三尺土山川已改  
兮衆余悔子不語

宮人從葬之令至英宗而除于是妃墓始名蘇山有  
萬貴妃之墓憲宗妃也銀錢山有鄭貴妃暨二李劉  
周四妃之墓神宗妃也昌平山水記

明王秋娘墓在千佛山下碑鐫王小姐者是也王大  
儒詩斷腸碑上小名香蕭庵閒話

潘天成夢遇馬貞娘記云金陵李君欲葬妻墓于相

地步出南郊宿三會庵中夢一婦女年可四十餘  
窈而入曰先生相地勿動我貞娘之墓余問其姓名  
答曰馬湘蘭也余曰馬湘蘭前朝名妓何謂貞娘曰  
先生知吾爲名妓却不知吾之貞烈余自受湯臨川  
辱決志從良新安陳秀才以千金買之載吾泊魯江  
時風清月朗吾倚舷弄笛不意有權貴子尋聲而至  
知吾爲馬湘蘭遂囑當事願以數千金償秀才秀才  
忿然曰彼倚權貴奪人所愛斷不能也吾恐禍不測  
謂秀才曰君年少高才何故爲半百烟花累其身秀  
才一錢不受別買舟泝流而上權貴子大喜載吾順

流而下至黃天蕩啟簾視之銀浪拍岸吾心計曰此  
吾死所可報陳秀才也遂躍入江中樞貴子大駭而  
去吾見有金甲神謂吾曰汝落風塵二十餘年今貞  
烈如此殊可嘉嘆吾使邏卒引見汝夫其行如飛至  
烏山峽口見吾夫蓬牕對月忽有負吾入舟吾夫且  
悲且喜脫其溼衣覆之以衾旣而撫吾身如寒鐵呼  
之不動始知吾死矣遂載至金陵殯殮擇葬此地余  
聞其言肅然起謝貞娘翩然而去余亦驚寤晨起往  
高陞寺同老僧至觀音庵後見土阜頽裂露出一碑  
以袖拂之知爲馬貞娘之墓萬歷乙未新安陳某所

立也

鐵廬外集

隨園詩話江寧瑞相院有馬湘蘭

墓題碣云新安貞女

菊香墓在孤山四賢祠左不知何許人獨碑上女郎

菊香墓字隱隱可辨夕烟春草婁豔移人

十笏草堂集

查史卷七十六

查史卷七十七

東吳王初桐子陽

纂述

閻邱薛輔世德甫校刊

牀第門

牀帳

王母爲帝列七寶登真之牀

黃帝內傳

秦王之牀玉柱金局侍女數百曉夜卷衣

群書歸正集

夢床所壞者爲憂妻也

世要書

漢武帝起招仙閣以處異姝懸黎火齊爲牀

管窺小議

趙昭儀有玉牀

西京雜記



皇太子納妃有素柏局腳牀八雕漆牀四

東宮舊事

宣武帝母高氏夢爲日所逐避于牀下日化爲龍遠

已數匝遂娠帝

後魏書

齊文安王皇后名寶明爲皇太子妃無寵牀帳陳古

太平御覽

胡后與沙門曇獻通掛寶裝胡牀于獻屋壁

北齊書

魚宏寵妾有眠牀一張皆是蹙柏四面周匝無有一

異通用銀縷金花壽福兩重爲腳

苑委餘編

申屠勳夏天卧母牀下以身受蚊

孝子傳

隋煬帝御女設五方香牀綴貼金玉珠翠

靜用堂偶編

楚娘名妓也江都王寵之寢玳瑁之牀

女紅餘志

馬明生隨神女入石室卧紫金牀

比紅兒詩話

獻嗟王妃坐金床以六牙白象四獅子爲床

洛陽伽藍記

龜茲國王與妻並坐金牀接客

梁書

胡生娶婦婦攜鏤金牀值百金每寢輒有氍帽老人

長尺許搦生足生驚語母母急鬻于市

輿園雜志

陳姓家貲巨萬蕩且盡僅餘鏤金牀爲婦嫁時物婦

勸鬻牀販賣不數年家業復興且倍於舊

秋燈叢話

貴妃賜安祿山檀香牀

酉陽雜俎

張易之爲母阿臧鋪象牙牀

汲古叢語

懿德皇后回心院詞拂象牀待君王 焚椒錄

李生得名姬曰榮十一娘甚悅之然每出必以所解

覆榮于牀周廻封署歸必詳視乃開 霍小玉傳

同昌公主出降製水精火齊琉璃玳瑁等牀悉搗以

金龜銀螿 杜陽雜編

暖閣在乾清宮後上下共置床二十七張 甫載

齊韶嘗借買永嘉大長公主卧牀 弁山堂別集

項墨林游金陵昵一妓久而欲別妓執手雪涕意殊

戀戀項歸乃廣購沉香斲爲牀玲瓏工巧復以名絃

美錦製衣數篋裝巨艦訪之入門值有客在妓顧項

若不復識項命潔前堂昇牀置其中羣艷爭來致賀  
項乃大張綺筵酒半忽指妓云我以世上有情種多  
在章臺故不惜千金以買一笑詎期月之別便已相  
忘絮薄花浮於今乃信呼僕出篋中衣悉裂之奮大  
槌碎牀焚於庭烟焰裊空遍城聞異香經四五日不  
散因名此街爲沉香街 觚賸

嫁女粧奩牀不過一不必用鋪螺塾等 婚姻約

夷州人舅姑子婦男女卧息共一大牀交會之時各

不相避 臨海水土志

寡婦牀上塵土治耳上月割瘡 本草拾遺

黃省曾洪武宮詞戶戶俱鋪紫木牀

五嶽山人集

屬鸚調納姬詩學拜牀婆先鎖院

樊榭山房集

仁宗誕降郭后榻下生靈芸四十二葉後仁宗享國  
四十二年其瑞應云

合璧事類

元兵圍金中京獨吉氏以夫爲留守義應同死乃取  
平日衣服妝具玩好布之卧榻監妝盛服過於平日  
且戒女使曰我死便扶置榻上以衾覆面焚之無使  
兵見我面可也遂自縊

女世說補

成氏從夫遊學靖江江水夜溢家人倉卒升屋成整  
衣欲上問爾等衣耶衆謝不暇成曰安有男女裸而

尚可俱生耶我獨留死耳衆號哭請不應厥明水退

坐死榻上

枕流日劄

焦仲卿妻詩移我琉璃榻

玉臺新詠

王母爲帝設九真十絕妙帳

黃帝內傳

事物紀原

曰此疑帳之始

西王母連琳綵帳

談薈

梁惠王爲閭媿製鸞鳳帳焚百花香於內則鸞鳳俱  
飛舞鸞鳳乃仙蜂血所染仙蜂出休與山形如貓爰  
花香聞有異香必食之而後返

女紅餘志

李少君置李夫人神影於帳中令帝見之

桓譚新論

漢成帝賜飛燕紫茸雲氣帳

飛燕外傳

后始加大號婕妤上二十六物以賀后后報以雲錦  
五色帳沉水香玉壺婕妤泣怨帝曰非姊賜我死不  
知此器帝謝之詔益州留三年輸爲婕妤作七成錦  
帳以沉水香飾

飛燕外傳

桓元妾當產畏風應須帳桓以到夫人故帳與之

俗說

魏武遣女皂帳婢十人

梁祖思政事疏

魏武帝愍嫁娶之僭上自公主適人不過皂帳

傅子

魏武內誡令云後宮止設青布帳公女謂曰夫人自

可施帳當令上下共見之

北堂書抄

魏武遺令曰吾與妓女皆著銅雀臺上施六尺牀練

帳朔朝十五輒向帳作樂上食如生前

事文玉屑

皇太子納妃有熟絳綾帳絳綃帳

東宮舊事

蜀先主甘后玉質柔肌先主置於白綃帳中望之如

月下聚雪

拾遺記

明皇避暑遊興慶池與妃子晝寢于水殿中宮嬪輩

凭欄倚檻爭看雌雄二鷓鴣戲于水中帝時擁貴妃

于綃帳中謂宮嬪曰爾等愛水中鷓鴣爭如我被底

鴛鴦

開元天寶遺事

元載寵薛瑤英設紫綃帳葢鮫綃之類輕疏而薄如

無所碍嚴冬風不能入盛暑則涼自生其色隱隱不



知其爲帳見卧內紫氣而已

杜陽雜編

黃祖母病有老嫗以藥賜母服之患頓消因停宿夜  
中有五色氣際天祖見老嫗坐斗帳裏四角及頂上  
各有一大珠如鶯子明彩炫耀

幽明錄

迷樓上張四寶帳一名散春愁二名醉忘歸三名夜  
酣香四名延秋月皆擇穉女居之

大業拾遺記

北朝婦人端午製五時圖五時花施帳之上

歲時記

則天后以御用繡羅帳賜李嶠

何氏語林

唐明皇時外國貢鳳毛金錦宮人多以飾衣夜中有  
光惟貴妃所賜最多裁以爲帳燦若白日

林下詩談

唐大婚用百子帳以錦繡織成百小兒狀

楓牋小牋

唐人昏禮多用百子帳大抵如今之尖頂圓亭子而以青氊通冒四方上下

演繁露

唐人婚禮多用百子帳捲柳爲圈以相連鎖可張可闔爲其圈之多也故以百子名之

朱子語錄

寶歷二年海東國貢舞女二人一曰飛鸞一曰輕風修眉夥首蘭氣融冶冬不纈衣夏不汗體所食多荔枝榘寶金屑龍腦之類上琢玉芙蓉以爲二女歌舞臺每歌聲一發如鸞鳳之音舞態豔逸更非人間所有歌罷上令內人藏之金屋寶帳蓋恐風日侵也由

是宮中語曰寶帳香重重一雙紅芙蓉杜陽雜編

元載所幸薛瑤英處以金絲帳叙小志

張易之爲母阿藏造七寶帳有魚龍鸞鳳之形宛委餘編

平康坊菩提寺有郭令王夫人七寶帳酉陽雜俎

同昌公主堂中設連珠帳續眞珠爲之也杜陽雜編

唐江都王寵妓楚娘懸翡翠之帳叙小志

錢鏐夫人以寢帳燼裂乃造青織帳將易之王嫌其

奢卒不用吳越備史

閩王鏐審知子也審知婢金鳳姓陳氏鏐鑿之遂立  
以爲后初鏐有嬖吏歸守明者以色見倖號歸郎鏐

後得風疾陳氏與歸郎姦隣命錦工作鏤金五紵九龍帳守明日宿於內國人歌曰誰謂九龍帳惟貯一歸耶五代史

陳金鳳造縷金九龍帳極其靡麗金鳳外傳

南漢宮中女巫樊胡子自言玉皇降胡子身後主於內殿設帳幄陳寶貝胡子冠遠遊冠衣紫霞裙坐帳中宣禍福正楚新錄

窈窕每得張手扎必避之於帳中觀之積之盈笥名帳中集張以爲類蔡邕之讀論衡私呼爲女伯喈窈窕有詩云數行心事鯉魚傳輕放金鈎繡帳懸不是

嬌慵貪晝卧衆中無處看花牋

柳娘記

京師有名倡嬌陳者色藝俱美柳睦州詣之悅焉嬌  
陳曰第中設錦帳三十重卽奉事終身蓋戲之耳翌  
日如數載錦帳以行嬌陳大驚竟如約

因話錄

王介甫以次女適蔡卞吳國夫人愛此女乃以天下  
樂錦爲帳未成禮而華侈之聲已聞于外神宗一日  
問介甫云卿大儒之家用錦帳嫁女介甫愕然無以  
對歸問之果然乃捨之開寶寺爲佛帳

南遊記舊

佛印見琴操卧于紗厨戲曰碧紗帳裏睡佳人烟籠  
芍藥琴操卽對曰青草池邊洗和尚水侵葫蘆佛印

大笑曰和尚得對娘子實出望外

雲山新語

陳朝議後房十餘人皆姝絕而號越珍者尤出衆有李猷者因春遊邂逅與之目成歸家思念不已一日遇道人謂日子之所志我知之矣盍從我遊乎因至古社廢屋中取一礫令劃壁李如言試劃之卽開出一門纔入見曲房繡帳越珍方晝寢于帳中李驚喜撼之使覺越珍欣然留信宿備極歡狎方出遵舊路門闔剗然復合社壁如故李以爲夢也遣人物色越珍道往來之迹歷歷皆合

投轄錄

劉法將生其母帳忽墮壓而下一大蛇蜿蜒母怖甚

避之他所及法生再視之但蛇蛻耳

邵氏聞見錄

皇太后皇太妃帳皆有著帳郎君院

遼史

英英采芳館內設浮香細鱗之帳大德間尾灑夷於清源洞得一物如龍皮薄可相照鱗鱗攢簇玉色可愛又間成花卉之形或紅或綠製以爲帳暑月對之涼氣自生遣人進貢時無識者有一胡僧言曰此斑花玉虬殼也

元氏掖庭記

陳友諒所愛桑妃有紫霞帳海賈所進

雲莊館紀談

世宗冬夜被酒與宮姬尚美人者於貂帳中試小烟

火延灼遂熾乘輿服御盡付一炬

野獲編

司馬相如美人賦云芳香郁烈黼帳高張

司馬文蔚集

焦仲卿妻詩紅羅襖斗帳四角垂香囊

玉臺新詠

王金珠子夜夏歌風吹合歡帳直動相思琴

樂苑

羅虬比紅兒詩繡帳鴛鴦對刺文

全唐詩

懿德皇后繡帳四角掛夜光珠

焚椒錄

庾謹母病忽見帳帶自捲上自舒下

集異記

顧景芳云人言世上有三聲聞之甚樂而以玉人新

夜帳垂鈎落聲爲最

蘭皋明詞彙選

江總詩新人羽帳挂流蘇流蘇帳盤繪繡之毬五綵

同心而下墜者也

蘇軾醉事



古者流蘇蓋樂器之飾用以爲闈房幃帳之懸則自

晉以後始

丹鉛總錄

凡后妃妊身將及月辰則移居于外廼帳房生皇子  
孫彌月復還內寢其帳房則以頒賜近臣云

元史

皇太子納紀有緣石綺絹裏牀褥

一東宮舊事

則天后每對宰臣輒令上官昭容坐于牀裙下記所

奏事

觀雜錄

皇太后皇太妃牀漫局有牀漫郭君

遼史

皇太子約妃有承林臺

一東宮舊事

宋武帝節儉張妃房惟碧絹蚊幃

一歐陽文忠公記

宋玉神女賦襄余幃而請御願盡心之惓惓文選

庾肩吾詩中婦卷羅幃庾度文集

被褥

趙飛燕爲皇后其女弟上襃有鴛鴦被西京雜記

漢有談生者讀書至夜半忽有一好女年十五六姿顏服飾天下無雙來就談生遂爲夫婦謂談生曰我不與人同君慎勿於夜中以火照我也至三年之後乃可照耳後生一兒已二歲矣不能忍夜伺其寐偷照視之腰已下肉如人腰已上但是枯骨婦覺遂去云君負我我已垂髮身何不忍一年而竟相照耶談

生辭謝涕泣不可復止婦云今將離別顧念我兒恐君貧不能自活暫逐我去當遣君物談生遂入華堂蘭室物器不凡乃以珠被與之日可以自給裂取談生衣裾留之辭別而去後談生持被詣市唯陽王買之直錢千萬王識之曰是我女被那得在市此人必發吾女塚乃收考談生談生具以實對王猶不信往視女塚塚全如故乃復發視果於棺蓋下得衣裾取其兒視之貌似王女王乃信之以談生爲女皆表其兒爲郎中

法苑珠林 搜神記作珠袍

簡文以殷不害善事其親賜其母蔡氏被褥單復畢

備陳書

譽嫔公主起晚爲上名遠自蒙珠被而出

津陽門詩注

皇太子納妃有七綵盃文綺被一絳真文羅一幅被

一絳石盃文綺被一繡羅文五幅被一

東宮舊事

武帝張貴人寵冠後宮年幾三十帝戲之云汝年已  
廢吾已屬諸少者矣貴人潛怒上不覺上醉卧貴人  
遂令其婢蒙之以被既絕云以斃死

續晉陽秋

禿髮在孕母胡掖氏因寢而產于被中鮮卑謂被爲

禿髮因而氏焉

後涼錄

蔣欽母練帳縹被妻妾布裙孫權謂其在位能守約

儉勅御府爲母作被及幃帳

吳志

羊太常妻辛夫人字憲英衛尉肅侯毗之女不好華

麗外孫上夫人錦被夫人乃反卧之

夏侯孝若傳

海陵張方女夜有物假作其婿來魅惑成病王纂治之始下一針有獺從女被內走病遂愈

異苑

有人與婦同寢天將曉婦起出其夫尋亦出外婦還見其夫猶在被中眠須臾夫自外來婦大愕便與共視被中人正是其形了無一異慮是其神魂不敢驚動乃以手撫床遂冉冉入席而滅

搜神記

同昌公主有神絲繡被繡三千鴛鴦間以奇花異卉

精巧華麗其上綴以靈粟之珠五色輝映

花史

天成二年賜契丹述律皇后繡被并寶裝瓔珞

五代會要

宋太祖賜蜀太后李氏錦被氍毹等物

蜀棹机

香山墨女子出以錦被蒙其首而跣足不襪

珠江奉使錄

有校尉與隣婦通一晨校瞰夫出卽入門登牀夫復

歸校伏床下婦問夫曰何故復回夫曰見天寒思爾

冷來添被耳乃加覆而去校忽念彼愛妻至此乃忍

負之卽取佩刀殺婦而去

鳳凰臺記事

西洋紙被夫婦寢其中以禦寒

嶺南雜記

黔婁死被不蔽尸曾西曰斜引其被則斂矣黔婁妻

曰斜之有餘不如正之不足

高士傳

楊方合歡詩寢共織成被絮共同功

綿樂苑

懿德皇后回心院詞鋪翠被待君睡

焚椒錄

晉左太冲嬌女詩衣被皆重池被頭別施帛爲緣謂  
之被池宋子京詩春寒到被池

名句文身表異錄

太子納妃有絳石綺紵裏被囊一

東宮遺事

有民家女買得壓被泥孩歸置于牀屏之上玩弄愛

惜夜半見一童子漸近帳前女子驚起童子撫之曰

毋恐我所居不違慕子姿色神魂到此人無知者女

亦愛其丰采遂與合焉因遣女金釧女置箱篋中其

後視之乃土造者大驚因見壓被孩兒左臂上金釧  
不存知此爲妖碎之怪遂絕

夷堅雜志

張生臨軒獨寢忽紅娘斂衾攜枕捧崔氏而至至則  
嬌羞融冶力不能運支體是夕旬有八日斜月晶熒  
幽輝半牀有頃寺鐘鳴天將曉紅娘又捧之而去張  
生自疑曰豈其夢耶及明靚粧在臂香在衣淚光燦  
奕猶瑩于茵席而已

會真記

孟蜀花蕊夫人錦被一梭織成被頭作二穴若雲板  
樣蓋以叩於項下如盤領狀兩側餘錦則擁覆于肩  
此之謂鴛衾也

輟耕錄



吳妓徐蘭以乾紅四緊紗爲單衾

癸辛雜識

英英採芳館內設重樓金線之衾重樓金線花名也  
出長白山花心抽絲如金長至四五尺每尺寸縹結  
如樓形山中人取以織之成幅 元氏掖庭記

魏文靖爲諸生時夜宿蕭山城樓見青面鬼至云魏  
尙書在此去投周氏息明日公訪周氏周曰小女爲  
妖神所據昨云今夜與大王成婚要具花燭無如之  
何公曰我能治然何以謝周曰君誠能驅祟當以小  
女待巾櫛請女出房索筆視書其衾云魏尙書夫人  
周氏書訖而去至夕魅來攜女入室手搗羅幃見衾

上七字大驚而去女恍如夢醒周遂以女配魏後封

二品夫人

聞雁齋筆談

王章爲諸生與妻居病無被卧牛衣中牛衣編亂麻

爲俗呼之爲龍且

合璧事類

唐女郎王麗真詞牀頭錦衾斑復斑

才鬼錄

楊方合歡詩衾共無縫襦

樂苑

王母爲帝敷華茸淨光之褥

黃帝內傳

趙飛燕爲皇后其女弟上襦有鴛鴦褥

西京雜記

太子納妃有承牀褥三

東宮舊事

朔風因石季倫見弃聽寒蛩心悲因織寒蛩之褥以

獻之 女紅餘志

張易之爲母阿臧織犀角麕貂褥 宛委餘編

元載納瑤英爲姬處却塵之褥其褥殷鮮光軟無比  
出自句驪國云是却塵之獸毛所爲 叙小志

同昌公主出降堂中設龍麕鳳褥 杜陽雜編

一老嫗持舊錦褥貨鬻有波斯人見之驚曰此至寶  
也是冰蠶絲所織卽以千金酬之 樂府雜錄

蜀後主與妃張太華同輦遊荷城山雷雨大作太華  
震殞以紅錦龍襦裹瘞白楊樹下旣數年鍊師李若  
冲見樹下一美人吟詩曰一別靈輿今幾年白楊風

起不成眠常思往日椒房寵淚滴衣襟損翠鈿若冲  
前問之答曰我蜀王妃張太華也

全蜀藝文志

王荆公嫁女蔡氏慈壽宮賜珠褥直數千萬

後山談叢

理宗朝周漢國公主出降楊鎮其房奩有錦繡絹金  
帳幔陳設茵褥地衣步障等物

南殿宮禁典儀

憲聖太后喜清儉收楊花爲枕褥之屬

山家清供

宮中有娠賜物有綠席瓊繡合褥于各二

武林舊事

皇太后皇太妃衲褥局有衲褥郎君

遼史

李子昭側室刁氏有娠妻怒之箠撻而死不數日鬼  
怪百出妻得奇疾宛若死者只心骨微溫支體不僵

其家就床褥作一窟任其便溺時以少飲納口中輒咽不與亦不言飢經三年形骸枯槁一夕忽詣舅姑所扣寢室戶舅姑驚問其詳曰妾爲亡婢訴寃攝至陰府枷禁幽園中會上帝有赦得釋回輟耕錄

傅春繫獄其定情妓齊景雲賣卧褥以供橐樊川叢語

白田戚氏婦嫁之夕未合卺夫溺死池中婦悲慟留

詩褥下亦自沉死

海岱遊草

后始加大號婕妤上金屑組文茵一鋪飛燕外集

田貴妃有寵而驕周后裁之以禮歲元日寒甚田妃來朝翟車至廡下后良久方御坐受其拜拜已遽下

無他言而袁貴妃之朝相見甚歡語移時田妃聞而  
大恨向帝泣帝嘗與后語不合推后仆地十二宮人  
同扶后起憤不食帝悔使中使持貽酒賜后且問起  
居又命田妃修省后乃強進一餐霜猿集

司馬相如美人賦曰高茵重設司馬文園集

梁簡文帝詩大婦舒綺袖梁簡文帝集

懿德皇后回心院詞疊錦茵待君臨焚椒錄

王敬伯過吳維舟望月乃倚琴歌泣露之詩俄聞有  
嗟賞聲見一女子謂敬伯曰女郎悅君之琴願共撫  
之既而女郎至姿質婉麗綽有餘態從以二少女女

郎鼓琴歌遲風之詞乃命大婢酌酒小婢彈箜篌作  
宛轉歌女郎脫頭上金釵扣琴絃而和之音韻繁諧  
將去留錦卧具繡香囊并佩一隻以遺敬伯敬伯報  
以牙火籠玉琴軫敬伯船至虎牢戍吳令劉惠明者  
有愛女早世舟中亡卧具於敬伯船獲焉敬伯具以  
告果於帳中得火籠琴軫女郎名妙容字雅華大婢  
名春條小婢名桃枝皆善箜篌及宛轉歌相繼俱卒  
續齊諧記

陳升之母產升之時於卧具下得大蛻一條

堅瓠集

貴妃賜安祿山繡搗毛氍毹

酉陽雜俎

張易之母阿臧牀上鋪蛩蚤氈苑委餘編

楊方合歡詩寒坐比肩氈樂苑

### 席枕

紂時婦人以文綺爲席六韜

西王母敷碧蒲之席拾遺記

趙飛燕爲皇后其女弟上襪有柳葉席西京雜記

林邑國婦人施柳葉席隋書

趙昭儀有綠熊席席毛長二尺餘人眠而擁毛自蔽  
望之不能見坐則沒膝其中雜熏諸香一坐此席餘  
香百日不絕西京雜記



楊邁母夢神鋪金席于地生兒落金席上

漢書注

蘇峻亂王坦之妻以席自障得免

王隱晉書

梁祖思疏宋武帝節儉過人張妃房惟三齊苳席此事本史不載苳席不知何物字書亦無苳字

丹鉛總錄

海中浮鵠山有女人年三百歲有女官道士四五百年年並出百但在山學道遣使獻紅席于梁武帝

南史

簡文賜殷不害母蔡氏毡席

陳書

謝仙女盛夏上元宗以生涼之席

賈子說林

張易之母阿臧以汾晉龍鬚臨河川爲席

宛委餘編

貴妃賜安祿山綠白平細背席

西陽雜俎

閩人林願女生而靈異勿通秘法長能乘席渡海雲  
遊島嶼人呼爲神女又曰龍女

閩錄

徐后有起紋秋水席色如蒲萄水不能沾濡

清異錄

宮中有娠賜物內有錦沿席一

武林舊事

安南國進皇后方物狀有坐藉綵錦席一片

天南行記

英英采芳館內設唐人滿花之席唐人高麗島各產  
滿花草性柔折屈不損土人織以爲席

元氏掖庭記

王節婦名桂德州人長齋十餘年以蘆席藉地瞑目  
跌坐口鼻自出三昧火焚焉其席不熟取席下土以

療疾無弗愈者

居易錄

虎鬚草織爲席曰西王母席 中華古今注

子夜歌香巾拂玉席共郎登樓寢 樂苑

懿德皇后回心院詞云展瑤席待君息 茨枚錄

無瑕子夜歌儂有菀蒨席兼有珊瑚枕 彤管餘編

西王母敷黃堯之薦 拾遺記

帝設紫羅薦以待西王母 漢武內傳

陶侃母湛氏嘗取卧薦自剄爲范逵飼馬 陶侃別傳

倭國婦人編草爲薦雜皮爲表緣以雜文 北史

庾實妻毛氏嘗于五月曝薦席忽見其三歲女在席

上卧驚世便滅女真形在別牀如故不旬日而天世

傳仲夏忌移牀

異苑

小兒夜啼取井邊草著母卧薦下

酉陽雜俎

寡婦薦治小兒吐利霍亂

本草拾遺

武帝以象牙爲簾賜李夫人

西京雜記

趙昭儀有白象牙簾

西京雜記

皇太子納妃有赤花雙紋簾

東宮舊事

妃初進見帝授以玉竹冰紋簾

楊妃外傳

張易之爲母爲犀簾

唐書

同昌公主出降堂中設犀簾牙席

杜陽雜編

玉虎頭枕臆下有篆書字云是帝幸之枕嘗與姐已

同枕之是殷時遺寶也

拾遺記

趙飛燕爲皇后其女弟上琥珀枕龜文枕

西京雜記

貴人公主有黑漆韋枕三十枚

魏武上雜物疏

裴劍傳奇載感甄賦之事淺俗不可信元微之詩云  
思王賦感甄何也李善注文選云東阿王求甄氏逸  
女不遂太祖與五官中郎將植殊不平黃初中入朝  
帝示植玉鏤金帶枕植見之泣下時已爲郭后讒死  
帝意亦悟因以枕資植植還轅將息洛水上忽見女  
子云此枕是我嫁時從嫁前與五官中郎將今與君  
王遂用薦枕席歡情交集又云豈不欲常見但爲郭

后以糠塞口令被髮掩面羞將此形貌重覩君王耳  
言訖遂不復見遣人獻珠于王王答以玉佩悲喜不  
能自勝因作感甄賦後明帝見之改爲洛神賦云蔡  
夫詩話

皇太子納妃有漆龍頭支髻枕一銀花銀鈕副之東  
舊事

辛度至雍州見一大宅有青衣女子在門度詣門下  
求養女子入告秦女女命名入爲飲治饌食訖秦女  
謂度曰我秦閔王女無夫而亡獨居此宅願與君爲  
夫婦經三宿將別取床後盒子開之取金枕一枚與

度爲信乃遣青衣送出度行數步回視不見宅惟有一冢乃以金枕貨于市恰遇秦妃見此枕而詰之度具以告妃遣人發冢視之原葬悉在唯不見枕解體看之交情宛若遂封度爲駙馬都尉

搜神記

董豐遊學三年而返宿妻家妻爲賊所殺妻兄送豐有司豐曰初將歸夜夢乘馬渡水馬停水中俯視見兩日在水下馬左溼竊以爲不祥問筮者筮者曰憂獄訟遠三枕避三沐旣至妻爲具沐授枕豐記筮者之言皆不從之妻乃自沐枕枕而寢有司曰馬左溼水也左水右馬馮字兩日昌字也其馮昌殺之乃獲

昌詰之具服本與其妻謀豐湖以新沐枕枕爲驗乃  
誤中婦人也 十六國春秋 吳苑任詔事相同

潘妃有瑟瑟枕至寶無價 演繁露

隋煬帝官人有金荆榴枕金荆榴木色如真金文如  
美錦甚香極細雖沉檀不能及 玉臺清照

唐柴紹之弟輕趨迅捷太宗遣取丹陽公主鑊金函  
枕飛入內房以手撚土公主面上公主舉頭卽以他  
枕易之而去至曉乃覺 馮延巳黑崑崙傳附錄

楊妃瑪璃枕温粹如玉枕之則十洲三島四海五湖  
盡在夢中因名遊仙枕 集事淵海



鏡國夫人所枕照夜枕夜中照廡其光如晝唐書

鏡國夫人有夜明枕夜則紅光照室國史畧

同昌公主有鸛鵲枕以七寶合成為鸛鵲之狀杜陽雜俎

趙懷正妻阿賀以女工致利有人攜石枕求售賀以

一環獲焉至夜枕之枕中如風雨之聲酉陽雜俎

杜羔妻趙氏每歲端午午時取夜合花置枕中羔稍

不樂輒取少許入酒令婢飲羔即歡然採蘭雜志

玉清之女以三寶贈韋弁一紅氍毹枕一碧瑤杯一紫

玉函弁挈還長安售于廣陵市胡人見而拜曰此仙

家三寶以錢數千萬易之宣室志 神仙感遇傳同

逆韋之妹馮太和之妻號七姨爲豹頭枕以辟邪白

澤枕以去魅作伏熊枕以爲宜男

朝野僉載

左官枕青玉爲之冬溫夏涼醉者破醒夢者遊儼是

左官王夫人物

清異錄

延鈞張長枕大牀擁金鳳與諸宮女裸卧

金鳳外傳

合浦公主有金寶神枕

故事備要

達飲姚氏酒酣假寐月華侍兒進以合歡竹鈿枕溫

涼草文席皆月華閣中物也

鄭媛記

謝后作楊花枕縫青繒充以柳絮一年一易

山家清供

有繡枕繡楊妃看鸚鵡高力士二宮女侍立皆長寸

許布置得體 厲門集

德州有女子蓄一磁枕上錢詩云百寶裝腰帶金絲

絡臂韝笑時花近眼舞罷錦纏頭

敕城山房集 長河志曰居人掘地

得之冢中疑古之名媼也

萬氏夫李君問亡誓不二適有富室求婚萬詠枕上

繡梅詩示意求者乃寢

女世說

舒娘作青紗枕滿貯除穢木犀瑞香甚益鼻

敏求機要

女郎沙蘭英以鴛鴦枕貽齊君求

靜志居詩話

女廉藥枕枕過百日面有光澤身香四年髮白變黑

齒落更生女廉後以此方傳玉青

尊生八牋

吳柔仙詩夢回茉莉入通中

通中枕名 柳南隨筆

司馬相如美人賦高茵重設角枕橫施

司馬文園集

丁六娘十索詩從郎索花枕

玉臺新詠

唐詩盧女黃花枕

淵鑑類函

懿德皇后回心院詞換香枕待君寢

焚椒錄

沙接置枕令夫婦皆悅

北夢瑣言

隊隊生有定偶斯須不離夷婦有不得於夫者飼於

枕中則其情自治

遊官餘談

饒州李三妻楊氏染病醫治不愈有神憑附自稱張

大王但時時注視枕屏破紙處李疑其異揭紙視之

乃畫一神像亟焚之病旋愈

夷堅志

陳述古女題水雁枕屏詩自作黃魯直小楷書其上  
云沙淡蘆歌曲水通幾雙容與對西風扁舟自向江  
鄉去却喜相逢一枕中

桐下听然

著舊續聞同

湯帝辛苦無睡得婦人枕而藉之方合目

迷樓記

山谷名竹夫人爲青奴

侍兒小名拾遺

張耒竹夫人傳云夫人竹氏衣繡衣黃中單

宛陵集

楊維禎竹夫人傳云夫人竹氏名笈小字玲瓏自號

抱節君

鐵崖集

后始加大號婕妤上二十六物以賀內有含香綠毛

狸藉一鋪

飛燕外傳

通志卷七十七